

杞縣志

671.5105
839

札縣志目錄

卷之一

聖製

卷之三

天文志

星圖
前異

分野

躔度

星氣

彗星

卷之三

地理志上

沿革

封疆

古蹟

卷之四

地理志下

疆域

山川

水利

卷之五

建置志

城池
公署

學宮
壇廟

書院
寺觀

衙署
坊表

倉庫
橋梁

卷之六

禮樂志

秩祠

鄉飲

卷之七

田賦志

賦稅
支發

漕糧
河夫

戶口
鹽課

地畝

存留

卷之八

風土志

風俗

物產

卷之九

職官志

刺史
訓導

縣令
各宦

縣佐

治屬

教諭

卷之十

選舉志上
舉人

卷之十一

選舉志下

秀才
武科

恩拔
誥封

副歲
任子

例貢

例監

卷之十二

武備志

兵防

器械

烽堠

驛遞

軍衛

卷之十三

人物志一

古聖

名儒

忠烈

直諫

卷之十四

人物志二

事功

循績

卷之十五

人物志三 孝友 篤行

卷之十六

人物志四 文苑 武功

卷之十七

人物志五 隱逸 善長

卷之十八

人物志六 游俠 流寓 方伎 耆農

卷之十九

列女志上 后妃 名媛 義烈 烈女 烈婦
孝女 孝婦 賢婦

卷之二十

列女志下

卷之二十一

藝文志一

碑記

卷之二十二

藝文志二

銘讚
辨引

頌

疏

表

傳

序

文

卷之二十三

藝文志三

詩歌

卷之二十四

叙錄志

舊志序

書籍目

舊修志姓氏

杞縣志卷之十五

人物志三

孝友 篤行

孝友

凡自古聖經賢傳所稱自天子以至庶人莫先於
孝弟孝弟亦大矣哉雖匹夫一節而精誠所結意
氣所鍾往往足以動天地泣鬼神用以振頑起懦
激勸末俗非苟焉已也舊志以樂善好施者攬入
此門殊失輕重茲特加意釐剔嚴謹編錄使人知
真修至行之不可假云

東漢

高式圉人慎之子也性至孝嘗盡力養父永初中
螟蝗爲害獨不食式麥人以爲孝所致云圉令周
疆以表州郡太守楊舜舉式孝子讓不行後以孝
廉爲郎

後魏

主崇字乾邕兄弟並以孝稱身勤稼穡以養二親
杜梁州鎮南府主簿母亡杖而後起髻髮墮落未
及葬權殯宅西崇廬於殯所晝夜哭泣鳩鵲羣至
有一小鳥素質黑眸形大如雀杙於屋不去母喪
始闋復丁父憂哀毀過禮是年夏風雹所經處禽

獸暴死草木摧折至崇田畔風雹便止禾麥無害
及過崇地無不損落者咸稱至行所感崇雖除服
仍居墓側其室前生草一根莖葉甚茂人莫能識
至冬復有鳥巢於崇屋乳養三子毛羽長馴而不
驚守令聞之親自臨視州以聞奏表其門閭
元

許彬字伯英元末亂離與父相失莫知所之語其
子曰吾親失所安忍獨存乃一慟而絕祭酒四明
陳敬宗題其墓曰純孝碑在墓側

劉德泉元時與異母弟居敬同居友愛異常歲饑

父使析居及父卒仍同爨事聞詔表其閭

明

高朗字顯明永樂時人執親喪醯醬不入口廬於墓側手種樹八百餘株每客至必先有鳩鳴其上里人奇之事聞旌表

張珍字仲寶成化時人性至孝母疾衣不解帶朝暮齋省母思食桃乾珍謁濟瀆神池拜求果應歸奉母疾尋愈鄉人以爲孝感後母亡哀毀幾絕夫妻不相見不食鹽醬者三年及喪父亦如之成化十一年叅政李衍聞珍孝行獎異殊優卒年八十

五歲

組口林辭財榮

邊雲鵠嘉靖時人蚤失父母依太母常氏爲生鵠
事之惟謹一日太母病篤鵠嘗糞以覘燥濕太母
一夕思啖鵠肉時方大雪鵠度不可得乃焚香籲
天剖左股充鵠羹以獻太母食之疾果愈後數年
方卒鵠廬於墓側負土成邱時有白兔岐麥瑞穀
之異人以爲孝感所至事聞詔旌其門卒年八十
五歲

吳尙智父憲母李氏相繼病故尙智廬墓側嘉靖
中師尙詔彝亂居民悉逃竄避難尙智獨居墓所

不去鄉里稱之後又捐粟百餘石以濟貧民人呼爲孝義之家

黃甲乙父金錫爲雲南維摩州吏目赴京至沅州病故母李氏遺腹生甲乙守節自誓甲乙讀書爲邑諸生痛父客死遂至沅州負父骸歸葬辛苦備嘗人稱其孝縣官上其事於兩臺題請旌表

趙忠嘉靖時爲諸生父文秀病死忠年僅十四侍養孀母徐氏辛苦萬狀隆慶二年母疾厯投諸藥不效一日院內有榴忽枯死忠念榴爲母乳諱不鮮乃夜焚香榴下籲天願以身代踰月枯榴復榮

母病尋愈人以爲至孝所感母卒於墓側結廬朝夕哭奠負土成邱遠近觀者甚衆督學使爲表其閭

聶秀神宗時人年十二歲廬伯父之墓掘地得錢百萬餘盡輸於官以佐修營之費一文不取

何登山號月亭神宗時人幼當析箸值歲饑母胡氏憐其弱私厚百金登山弗受集諸兄均分之幼廢學及長爲治生計嘗嚴而預雞鳴起勤耕桑果蔬六畜之務無棄物以故不十年貯積數十倍買田數百頃然終身布素親族有婚喪不給與貧不

能舉火者輒悉力助之有新置田千畝直千金時
孝廉孟紹虞初獲雋居業無資登山遂出原券授
之不責值後虞登第官侍郎始償其直人咸義之
中允劉理順久困公車抱沉疴人咸易之登山獨
識其爲大器有莊宅延與同居餽贈無虛日侍御
孔貞一羅文英與登山爲齡齡交貞一早貴登山
足不履其門約婚姻婉辭之文英晚達曾貸登山
五百金置產及文英卒登山痛悼有加不言所貸
其慷慨好施類如此崇正乙亥寇亂邑中初議城
守登山首倡捐金五百兩粟八百石知縣黎玉田

申表其閭後以貲授京衛鎮撫未任卒年八十二
子東昇孫印光詳科貢門

國朝

李登璉年十六喪母事父宗孟寒暑倍食無失色
夜必寢牀下以候伸欠雖喪亂播遷未嘗離左右
父歿璉年已六十孺慕不衰營葬畢結廬墓側奉
主廬內茹苦食粥朝夕哭拜上食如初喪時負土
成墳墓旁有麥秀兩岐之異服闋終不返舍康熙
甲子卒於廬中縣令給匾旌其門

馬體乾字行健其昌嗣子也幼以孝聞父卒於官

扶櫬旋里經洞庭湖風浪大作舟幾覆體乾抱棺
仰號俄而風息人皆以爲至孝所感抵舍善事嗣
母教養弟姪生平好學弗輟康熙乙丑成進士每
與生徒講孝經反復不倦俾人人各暢厥旨一時
學者咸奉以爲宗云

范選父爲捕役奉檄緝盜山東曾盜以賄脫翻騰
其名入案銀鍊成獄解往他州選時年十五聞之
括家財竊至山東遇父逆旅多方悅解役夜以繼
埴印鎖尾纔出製鑰三易而後符解役覓其幼弗
爲備一夕市牛酒飲之度已酣寢選乃啟鎖馳械

負其父奔比至海濱爲酒家傭以養其母事結方歸

孟問驤字閑之天性孝友爲人直諒剛方常欲效古人佩韋以自箴戊子領鄉薦聲名藉甚里中有事關利害咸推建議輒挺身向縣尹言無所顧畏縣尹亦敬憚之先是明季癸未從父避難淮陰至中道囊橐將盡兄弟方欲爲析爨計驤每中夜啼泣曲爲調停父弗知也一日忽夢同里劉中允持一卷上有硃圈相示曰此令三郎君不忍骨肉離析心血所成及寤以告諸子皆慟哭父聲曰誠有